

Na osnovu člana 4. Sporazuma između Vijeća ministara Bosne i Hercegovine i Vlade Crne Gore o naučnoj i tehnološkoj saradnji, od 01. decembra 2008. godine („Službeni glasnik BiH“, - Međunarodni ugovori; broj 6/09) Ministarstvo civilnih poslova Bosne i Hercegovine, objavljuje

## **K o n k u r s**

### **za sufinansiranje boravaka i putovanja u okviru saradnje istraživača koji rade na realizaciji zajedničkih naučnoistraživačkih projekata u okviru naučne i tehnološke saradnje između Bosne i Hercegovine i Crne Gore za 2016. i 2017. godinu**

#### **Predmet konkursa**

Predmet konkursa je sufinansiranje (do 14 dana) međusobnih posjeta (troškovi putovanja i boravka) istraživača iz BiH i istraživača iz Crne Gore koji će izvoditi zajedničke istraživačke projekte u 2016. i 2017. godini.

#### **Kriteriji za odabir projekata**

Kriteriji za odabir projekata za sufinansiranje su:

- a) značaj rezultata istraživanja za ekonomski i društveni razvoj Bosne i Hercegovine,
- b) naučna vrijednost i/ili primjenjivost istraživanja,
- c) potencijalna mogućnost za uključivanje u istraživačke projekte EU,
- d) upotrebljivost rezultata istraživanja u praksi, odnosno u ekonomiji zemlje,
- e) reference istraživačke grupe,
- f) uključivanje mladih istraživača,
- g) izvodljivost projekta.

Sve projektne aplikacije koje podnose aplikanti iz Bosne i Hercegovine moraju ispunjavati opće i posebne uvjete odredbi pravilnika/kriterija o sufinansiranju naučno-istraživačkih projekata koje primjenjuju Federalno ministarstvo obrazovanja i nauke (za aplikante s područja Federacije Bosne i Hercegovine) i Ministarstvo nauke i tehnologije Republike Srpske (za aplikante s područja Republike Srpske), a na bazi kojih će biti vršeno i vrednovanje podnesenih projekata.

#### **Vrijeme izvođenja zajedničkih projekata**

Vrijeme izvođenja zajedničkih projekata je dvije godine.

Predviđeni termin početka rada na projektima je. 1. januar 2016. godine godine.

## Prijava na konkurs

Prijava na konkurs se podnosi Ministarstvu civilnih poslova Bosne i Hercegovine, putem entitetskih ministarstava nadležnih za nauku (Federalno ministarstvo obrazovanja i nauke, Ministarstvo nauke i tehnologije Republike Srpske).

Prijava za konkurs treba da sadrži sljedeće elemente:

- a) naziv projekta,
- b) podatke o instituciji koja predlaže projekat,
- c) podatke o glavnim istraživačima na projektu iz Bosne i Hercegovine i iz Crne Gore sa njihovim najznačajnijim publikacijama koje se odnose na sadržaj projekta, a objavljene su u posljednjih 5 godina,
- d) detaljan opis projekta sa očekivanim rezultatima,
- e) plan razmjene posjeta bosanskohercegovačkih i crnogorskih istraživača za svaku godinu projekta.

Prijave projekata na konkurs podnose se na obrascima koji se mogu preuzeti sa web stranice Ministarstva civilnih poslova Bosne i Hercegovine [www.mcp.gov.ba](http://www.mcp.gov.ba) (link konkursi), odnosno entitetskih ministarstava nauke [www.fmon.gov.ba](http://www.fmon.gov.ba) i [www.vladars.net](http://www.vladars.net).

Istraživači iz Bosne i Hercegovine za učešće u zajedničkim projektima treba da obezbjede i pisanu saglasnost crnogorskog partnera na aplikacionom obrascu.

Glavni istraživač u ime bosanskohercegovačke strane mora biti državljanin Bosne i Hercegovine sa prebivalištem u Bosni i Hercegovini i zaposlenjem u nekoj od institucija koja se bavi naučnoistraživačkim radom.

Prijava na konkurs mora stići do **15. juna 2015. godine** godine do 16 sati u prostorije Federalnog ministarstva obrazovanja i nauke, dr. Ante Starčevića bb, 88 0000 Mostar (za aplikante sa područja Federacije Bosne i Hercegovine) ili Ministarstva nauke i tehnologije Republike Srpske, Trg Republike Srpske 1, 78 000 Banja Luka (za aplikante sa područja Republike Srpske) s naznakom „Prijava za sufinansiranje zajedničkih naučnoistraživačkih projekata u okviru naučne i tehnološke saradnje između Bosne i Hercegovine i Crne Gore za 2016. i 2017. godinu“.

Partneri iz Crne Gore prijavu predaju u Crnoj Gori u Ministarstvo nauke, Rimski trg b.b., 81 000 Podgorica, do **15. juna 2015. godine** godine.

Zajednička komisija Ministarstva civilnih poslova Bosne i Hercegovine, Federalnog ministarstva obrazovanja i nauke i Ministarstva nauke i tehnologije Republike Srpske razmotrit će pristigle prijave i izvršiti odabir projekata koje će predložiti Mješovitoj komisije BiH-CG za sufinansiranje.

Mješovita komisija za naučno-tehnološku saradnju između Bosne i Hercegovine i Crne Gore izvršit će izbor projekata i obim razmjena u okviru kojih će se sufinansirati boravci istraživača i njihova saradnja, a na bazi dostavljenih projektnih aplikacija na ovaj konkurs, o čemu će aplikanti biti obavješteni u zadnjem kvartalu 2015. godine.

**Entitetska ministarstva nadležna za nauku će pripremiti i na svojim službenim internetskim stranicama objaviti interne procedure i obrasce zahtjeva za dodjelu sredstava po odobrenim projektima i izvještaja o realizaciji projektnih aktivnosti.**